

Money Series 2

Video link - <https://youtu.be/OurBHQ8WdKk>

Duniya ke sirf 0.004% log crorepati hain kyuki unhe ameer bnne ka ek shortcut pta hai jiska naam hai bottleneck.

Gautam adani, jo mahaz 16 saal ki umar mein apna gaon chhod mumbai ki sadkon par dhul kha rahe the, aaj bottleneck ke dum pe ek hafte mein 12 hazar crore se jyada kamate hain, itna to poori bollywood milke saal bhar mein nahi kama paata.

Sam altman jine khud ki bnai company se dhakke maar ke nikal dia gaya tha, bottleneck ka concept use krke unhone sirf 2 saalon mein 90 billion dollar ki company khadi kar di, lamborghini, rolex aur rolls royce jaisi companies ke combined valuation se kahi jyada.

jensen huang jinhe apni fees bharne k liye ek restaurent mein waiter ki naukri krni padi thi aaj bottleneck ki wjh se unki company Saudi arebia, Newzeland, aur Australia jaise kai desh ki poori GDP se jyada ki valuation rakhti hai.

chahe koi bhi ameer aadmi kyu na ho, bill gates, elon musk, steve jobs se lekar dhirubhai ambani tak, wo sab isi bottleneck ki wjh se hi middle class se uth kar arabpati bne hain.

200 dino se jyada ki research se bani is documentary mein kai insanely thrilling reallife stories ke through hum is practical aur intelligent shortcut ko samjhenge jisse aap khud bahut jald ameer ban sako. Sath hi aapke liye 2 chhote gifts bhi hain.

AI hamari duniya ka sabse bada revolution hai. Par aapko pta hai isse sabse bada fayda kis company ko hua hai? ChatGPT, Google, Microsoft ..nhi.. it's NVIDIA. Iska market cap pichle sirf do saalon mein hi 10 guna badh kar poore 3 trillion dollar ho gya hai aur ye poori duniya ki teesri sabse badi company ban gyi hai.. google amazone aur tesla se bhi upar.

Par isse hamare ameer banne ka kya lena dena.

lena dena hai.. iski kahani me hi wo secret chupa hai, jo humko crorepati bnne ka rasta dikhayega.

Taiwaan me ek bhot hi gareeb ghar mein ek ladka paida hua tha.. **Jensen Huang.**

Uski family itni gareeb thi ki khane ke lale pad rhe the, thak har kr uske parents ne use aur uske bhai ki unke chacha ke ghr usa bhej dia, taki unpar burden kam ho sake.

Uske chacha ne use ek saste se public school ke hostel me bharti krwa dia jha wo ek chhoti dormatry me saikdo aur baccho ke sath rahte the.

Huang ne jaise taise school ki padhai complete kari.

Wo padhne mein hoshiyaar to the par College ke fee ka jugaad krna unki family ke liye bhari pad raha tha.. Unhone fir ek local restaurent mein waiter ki naukri ki aur jaise taise fees bhari.

unke sharp dimaag ki wajah se unhe Electical engineering complete krte hi AMD company me microprocessor designer ki naukri mil gyi. **AMD ko kaha pta tha yhi ladka ek din unki company ko hila daalega.**

Udhar huang man laga ke kaam krte rhe aur microprocess industry ki baarikiyan seekhte rhe. unhone wo saari critical aur specific knowledge acquire kar li, jo is

industry ko chalane k liye jaruri thi.

1993 me ek din wo apne 2 doston ke sath dinner kr rhe the danny's restaurent me baith ke. Ye wahi restaurent tha jha wo kuch saal phle waiter ki naukri kiya krte the.

unke dimaag me baat aayi, ki jb wo us restaurent ke waiter se customer tak ka safar tay kar skte hain, to fir kisi company ke owner bhi ban skte hain...

unhone dono doston ke sath company daalne ki sochi aur wo bhi kis sector mein..
yes you guessed it right. microprocess chip industry.. aur us din NVIDIA ka janm hua.

Par Karodpati banne ka asli raaj to yhi se khulna shuru hota hai..

NVIDIA ne graphics card bnane shuru kiye, jo unke khud ke shabdo mein - unki soch se ek million guna jyada mushkil tha..

Shuruati kuch mahino mein hi unki company bankrupt hone ki kagar pr aa gyi. Unko chips bnne to aate the, par business krna nhi..

Unke paas staff ko sirf ek month ki salary dene k paise bache the. unhone is baat ka notice bhi jaari kr diya tha ki ab unki company band hone wali hai.

Par ek din achanak us tym ki video games bnane wali sabse badi company Sega ne unhe 5 million dollars ki funding di aur wo bach gye.

iske baad Huang ne peeche mud kr nhi dekha, business bhi unhone seekh lia aue innovations bhi krte rahe.

Par unka asli masterstroke aaya aaj se 10 saal phle. Jab unhone Artificial Intelligence k liye jaruri Heavy duty chips bnane par research start kia.

Us smay poori duniya mein kahi AI ki koi baat nhi chla rahi thi, ChatGPT ka to astitv bhi nhi tha.

Poori industry yaha tak ki unke khud ke customers ne unhe pagal smjha. Kha ki wo barbaad ho jayenge,

par unhe apne is vision par poora bharosa tha.

Sometimes the customers don't know wht they want. Ye unka ek bahut hi revolutionary statement hai.

[insert the reel clip]

Aur aaj 10 saal baad unki company 3 trillion dollar ki ho gyi hai. kyuki jo bhi company apne products me AI ka use kr rahi hai, chahe wo chatgpt ho, google AI ho ya Meta ho, use NVIDIA ke chips lene pad rhe hai.

Is market ka 90% hissa Nvidia ke paas hai. Baki saari companies unse poora ek decade peeche hain.

Aur yhi hota hai bottleneck.

ek bottle ko aap chahe jitna bhi upar kr lo, agr uska neck chota hai to pani dheere dheere hi niklega.

bilkul isi trah har industry mein ek bottleneck hota hai. Jo usko control krta hai, wo us industry ka king hota hai.

26 november 2008 ko mumbai par ne hamla kar dia gya tha aur hotel taj dhu dhu kar jalne laga tha..

Maasum aur nirdosh logo par andhadhundh goliyan barsaai ja rahi thi.

Unhi logo ke beech ek businessman fansa hua tha. Gautam Adani.

wo wahnna dubai ke ek sheikh ke saath meeting khatm kakre hotel ki lobby se bahar ki or ja rahe the. Ki achanak unke associates ne unhe meeting ke ek aur round k liye bulaya aur wo wapaa restaurent ke andar chale gye. Usi waqt lobby mein goliyan barasni shuru ho gayi.

Sirf chand second bache the wo usmein fansne se.

Restaurent mein buri tarah dare sahme wo ye yah bhayawah manzar dekh hi rahe the.

Ki tabhi achanak hotel ke ek staff ne unhe kheench kar kitchen ke andar liya aur Waha se unhe basement mein bhej dia jaha unka ek ek pal ek sadi jaisa beeta, ki kahi koi atanki yha mat pahuch jaye. Usi waqt unhein ek aur khatarnaak din ki yaad aai jab unhe kidnap kar liya gya tha.

10 saal pahle 1 january 1998 ko wo apne ek associate ke sath ahamadabad mein kahi ja rhe the. usi waqt fazlu rehman aur bhogilala darji naam ke gundo ne unki car ko gher lia.

wo unhe kidnap krke ek sunsaan jgh le gye aur karodo rupay ke firauti ki maang ki. Ek moti rakam lekar poore 24 ghante baad unhe chhora gya.

In dono ghatnaon ne unhein dar ko uski aankh me deekhna sikha dia tha.

16 saal ki umar mein jab apni college ki padhai beech mein chhor ke wo mumbai aaye the, tab unki jeb mein matr 100 rs the.

Yha unhone mahendra brothers ke paas diamond sorter ka kaam kia.

Kuch saal bad unke bhai Mansukhbhai adani ne ahamdabad mein ek chhoti si plastic ki factory daal aur usmein help krne k liye gautam ko bula lia.

Gautam us factory k liye PVC import krte the.

Dheere dheere unhone import ka kaam itna badha lia ki khud ke hi nahi balki aur bhi kai saari factories k liye wo maal import export krne lge.

Eventually 1988 mein unhone Adani Exports naam ke company ki shuruaat ki jise aaj hum Adani enterprise k naam se jaante hain.

Unhe import export ka dhandha krke samajh aa gya tha ki is field ke bottleneck ports hain. Maal koi saa bhi ho, aayega jaaayega to ports se hi.

Unhone isi bottleneck par kabja krne ki sochi, aur 1995 mein gujrat ke mundra port ke operations ka contract haasil kia.

Aaj wo port desh ka sabse bada private port hai aur wha se har saal 210 million tons se bhi jyada maal jata hai. aur unki company india ki largest ports operator company hai.

iske baad unhone ek aur bottleneck ki dicoverly ki aur wha se bhi arbo rupay banane wale hain.

adani ko apni factory chalane ke baad smjh aa gya tha ki raw material ke import k alawa ek aur cheez bahut crucial hoti hai - electricity.

unhone aage chal k kai coal mines ka adhigrahan kia taki unse electricity produce kia ja sake.

Par unko pata tha ki ye non renewable sources ek din khatam ho jayenge.

Unko jald se jald aise source ko dhoondhna tha - jo kabhi khatam na hon, jispar poori duniya dependednt ho aur wo uspar apna kabza jama sakein.

Aur jald hi unhe ek aisa source mil gya.

India aur pakistan ke beech ke world ke most tensed borders se mahaj 12 meel door ek gaon hai vighakot.

Yha ki jameen itni garm aur banjar hai ki jeev jantu to kya ek jangli ghas tak nhi ugti.

Par ye ek cheez k liye perfect hai - solar energy harvest krne k liye.

Adani ne turant is opportunity ko pahchana aur yha Khawda Energy park bnane poore 20 billions dollars invest kiye taki ek bahut bada solar plant bna sakein. Itna bada ki wo space se bhi nazar aaye.

Aur itne bade investement ka reason hai ki kuch saalo baad jab ye plant functional hoga, tab ye sabse bada power plant hoga. Sirf solar nahi balki koi bhi coal, hydro ya fir even nuclear power plant isse bada nhi hoga, wo bhi sirf hamare desh hi nhi balki poori duniya mein.

Aap smjh hi sakte ho ki Adani ke billion dollars empire k peeche bottleneck ka kitna bada haath hai.

Aur aisa nhi hai ki ye bottleneck ka shortcut sirf bahut bade log kardo rupay kharch krkr hi create kr sakte hain. Aap bhi apne profession mein ise apply kar skte ho.

Aap agar apne town me NEET ki coaching dena chahte ho, to Physics ka accha teacher hona jaruri hai, bio aur chemistry to koi bhi padha lega.

Kuch din phle poore world me windows ke system band ho gye the. kyuki crowdstrike ne ek galat software update push kr dia tha Microsoft ka is tareeke se crowdstrike par dependent hona bottleneck hone ka hi example hai.

Aap agr kisi pharma company ko dekho to waha ka R&D dept bottleneck hota hai. manufacturing and distribution to turant scale kiye ja skte hain, par newer drug development ke bagair wo sab bekar hain.

Aap abhi jis bhi organisation mein kaam kr rhe hain, uske bottleneck ko dekhiye, aur uska part bnne ki koshish kariye. Jab aap wha pahuch gye, to fir wha apni specific knowledge ko itna sharp kriye ki you become vital to that organization.

Agar aap ye cheezein kar lete ho - aap muhmangi keemat mang skte ho and the company will pay.

Ratan tata ko poore tata empire ko itna badahne aur successful banane ka credit dia jata hai. Unke peeche lakho logo ka poora organization kaam krta hai; but un sabki ki policies ko wo guide krte the. He was the bottleneck.

Isiliye to jab unhone 2012 me retirement le lia aur unki jgh cyrus mistry tata group ke chairman bne, cheezein gadbada gayi. Eventually unko wapas aana pada TATA group ko lead krne k liye.

Jeff bezos ko Amazon bnate hi smjh mein aa gya tha ki web hosting bhot criticle cheez hai aur Internet ke is jammene me har enterprenuer ko iski need padegi; isiliye unhone AWS bnaya. Jo ki web hosting ki duniya ka bottleneck hai. Yha tak ki google aur microsoft se bhi kahin jyada lagbhag 50 million websites AWS me hi hosting krti hain.

Infact aap ye jaan ke hairaan rah jaoge ki khud Amazon ka almost 100% profit uske AWS se aata hai..

Aap abhi student ho, job kr rhe ho ya fir businessman ho, agar gaur se apne aas paas dekhoge to aapko apne field ka bottleneck smjh aa jayega.

Kisi exam ki taiyaari kr rhe ho to ye dekha hoga aapne ki ek aisa chapter hota hai, jisse sabse jyada qn aate hain; usko chood do to baki poora subject padhna bekar hai.

Youtube par documentries bnana chahte ho to pta hoga ki script likhna sabse critical kaam hai, uske bagair sab bekar hai.

Agar koi online shop create kr rhe ho, to apki brand value sabse critical cheez hai.

Agr khud ka koi service based business run krte ho, to aapka personal brand hona bahut jaruri hai.

Ye saare examples Bottlenck ke hain. Inpar agr mastery kar li, to suessful hone aur eventually ameer banne ki raah asaan ho jayegi aapki.

Aapko pta hai cocacola ko banane ka formula aaj tak kisi ko nhi pta.

Ye concentrated form mein distributors ke paas aata hai, jisme wo carbonated water mila kar wo coke prepare krte hain jise hum peete hain.

cocalcola ke inventor John pemberton 1888 me is duniya se jane k phle ye formula sirf 4 logo ko bataya tha. Aur baad me Asa chandler ne 1891 mein iske rights khareede aur isme kuch aur ingredients add kiye. uske baad se aaj 130 saal se jyada smay beet gya, par ye secret sirf 2 logo ko pta hai.. aur wo bhi kaun 2 log hain, ye kisi ko nhi pta.

theek isi tarah KFC ka bhi formula ek secret. 11 masalo ko mila kar ise bnaya jata hai, par wo kaun se masaale hain poori duniya mein sirf 2 log jaante hain.

Ye companies in trade secrets ko ek bottleneck ki tarah use kar rahi hain, taki unke farnchisees aur unki khud ki brand identity par unka absolute control bna rahe.

As a middle class guys, aapko ek particular field mein specific knowledge acquire krne k baad wahan bottleneck create krne ki bahot ki jarurat padegi, because you can't leave it to luck.

Waise duniya ye kahti hai ki Luck ka bahut bada haath hota hai kisi bhi aadmi ke successful bnne mein.

Par hamara goal to ye hai ki hum apne skillsets ko itna improve kar lein, ki agar hamse hamare saare resources aur paisa cheen liye jayen, to bhi hum agle kuch saalo mein sirf apne dum par apna empire khada kr sakein. Koi bhi external factor, yha tak ki hamar Luck bhi hamein affect naa kar paaye.

Aur uske liye sabse jaruri hai Luck ko apne according modify krna.

par kya ye possible hai?

Definitely yes.

Abhi aage hum Sam altman ko mile dhokhe aur unke revenge ki amazing story janenge, jise dekhkar goosebumps aana to paaka hai.

par uske phle ek bhot hi interesting cocncept smjhte hain ki is poori duniya mein kul mila ke 4 tarah ke luck hote hain.

Phla hota hai blind luck..

Yani ki koi cheez ekdum se achanak ho jana. Aapne kuch nhi nhi kia, koi effort nahi lagaya yha tak effort lagane k bare me socha tak nahi, aur aapko sabkuch mil gaya.

Like Anant ambani, ya fir prince harry.

Ya fir aapko pta bhi nhi hai aur achanak se govt ka order aa jaye ki aapki pushtaini jameen mein Highway nikne wali hai. NHAI aapko ghar aake 4-5 crore rupay de k chale jaye.

Ispar actually mein kisi ka koi control nhi hota aur iska kuch kia bhi nhi ja sakta.

par jo baki teen lucks hain, wo hum apne control me kr skate hain, taaki hum bhi corepati bn sakein.

To jo doosra type hai luck ka wo hai luck from hustling

jab aap kisi ek field me hardwork, hustle, curiosity aur persistence dikhate ho. Alag alag logon se milte ho, opportunities dhoondhte ho, tab eventually kuch na kuch ho hi jata hai. Things set in motion and you make progress towards wealth.

Jab shahrukh khan mumbai mein naye naye aaye the. unhe koi nyi janta tha. wo tv serials me chote mote roles kar rhe the aur daily hustle kr rhe the. roj alag alg director producers se milte, kaam mangte. eventually unhe hema malini ji ne apne film k liye sign kar lia. Baki to fir aap jante hi hain.

Dekho do alag alag cheezein hain - Progress aur motion.

Jab aap apne set aim ki traf move krte ho - wo progress ki category mein aata hai.

Wahi jo bhi effort aap maarte ho, jaruri nhi ki wo aapke aim ki traf hi directed ho - par effort to hai , wo motion ki category me aata hai.

kai logo ko jab progress nhi dikhta - wo motion krna bhi band kr deta hain. Jabki aap jitna jyada motion kroge - ye second type ke luck ke existance me aane ke chances bhi utne hi badh jayenge.

Kai log aise hain, jinka career life mein aage badh hi nhi raha tha.. Unhone jo course kia, usse job nhi mil paa rahi thi..

But instead of sitting at home, they started to do place things in moion. Pta nhi kya krenge, par kuch to b krenge. Online seekh lenge, YT se dekh lenge.. kuch b krenge par khali nhi baithenge.

Aur aise logo ko fir success mil hi jati hai.

Ankit baiyanpuria ek time par zomato delivery boy ka kaam krte the. Unko wrestling me interest tha aur usi mein wo expertise haasil krte gaye.

Unko kha pta tha ki ek din khud PM unko shabashi denge.. Unhone bas apne efforts maare. 75 Hard kia, cheezeim motion mein aayi, poore india ki nazar unpar padi aur eventually he became the biggest influencer of India. Yhi hai Luck from hustling.

teesra hota hai luck from preparation

Kai baar is type ke luck ko Street smartness bhi kha jata hai.

Jab aap kisi ek field me bhut saara time bita lete ho aapko samajh aa jata hai ki kaun si opportunities lucky saabit ho sakti hain. Aap fir baki saari jgh time waste krna chhor ke unhi opportunities me poora effort marte ho aur cheezein kaam kar jati hain.

isi type ke luck k liye ye baat kahi jaati hai - Chance favours the prepared

Aapke shahar ke jo experienced land brokers hain unhe ye pta hai ki kaun si area me bani colony aage chal ke bhot valuable saabit hogi, wo wha par phle se jameen le ke rakhte hai.

Kota ke bade coachig centres jan kisi area mein naya centre daalte hain, to wha ke teachers aur senior staff uske aaspaas ki jameen phle hi khreed lete hain, taki baad me PGs bna kar mota munaafa kamayein.

Jab India mein Kia motors nayi nayi aayi thi, to unhe apne dealerships offer kiye. Kai logo ko to ye bada risky bet laga, par jo experienced car dealers hain unhe ye smjh aa gya tha ki ye banger company hai, India k liye poori trah suitable hai.. unhone turant iski frenchisee li aur aaj karodo koot rhe hain.

Hum aksar ye sochte hain, Yaar is bande ko ye mauka mil gya, to ye successful ho gya. Jabki sochna ulta chahiye - is bnde ne aisa kya kar rkha tha ki jab mauka aaya, to uska fayda yhi utha paaya.

Chautha hota hai luck from your unique character

Yani ki aapne unique character, unique mindset unique brand ke through aisi personality develop kar li hai, ki opportunity aapke paas khud b khud chal ke aati hai.

Aapko ye to nhi pta hota ki opportunity kab aayegi ya aayegi bhi ki nahin, par aap reday hote ho - jab bhi aayegi aaapko hi milegi.

Just like anupam mittal.. wo us jamane se india me internet ke through shaadi ke matches dhoondhne ke ideas par kaam kr rhe hain, jab india me internet ka penetration hi nhi tha.

[insert his old interview clip]

jab internet ka boom hua, he was fully ready to make money out of it.

Aur uske kai saal baad, jab Shark tank ka indian version lane ki baat hui, he was again the best fit for the job.

Wo already successful, suave aur presentable the, sharktank k liye unki personality tailormade thi. Unhone shark ke roop mein unhe turant sign kia, aur wo India mein house hold name bn gye. Unki company ke brand ko bhi isse immense fayda hua.

Jab lockdown hua, to bhot si companies ko loss jhelna pada - par Zoom ke profits exponentially increase huye. Ab aisa nhi h ki Zoom ko pta tha ki ek din aisa situation aayega jab saari duniya apne ghar me kaid ho jayegi aur unke services ki har aadmi ko need padegi.

Aap ye bhi nhi bol skte ki unhone koi mehnat nhi ki thi. Apna robust platform ready krne k liye unhone saalo tak kaafi mehnat ki thi, tab ja ke wo is opportunity ko encash kar paye.

Aapko first wala chhor ke baki teeno luck per focus krna hai.

Second wale luck k liye curiosity lagegi, hustle lgega, cheezon ko motion me lana padega, taki eventually opportunity create ho.

Third wale luck k liye Preparation lagega taki ye pta rhe ki opportunity kaha milegi.

Aur fourth wale luck k liye aapko apni personality ya apna pura skillset hi aise shasrp krni padegi ki jab aapke field me opportunity develop ho - aapko hi mile.

Aap opportunities dhondhiye. Current patterns development ko dekh kar future ko predict krne aur uske liye prepared rhne ki koshish kariye. Eventually luck will factor out of equation.

Ab bas Ek aakhiri but sabse jyada jaruri baat bach gayi hai.. jise samjhne k liye hamein Sam altman ki kahani janni padegi, jo ki kisi blockbuster movie ki script se kam nahi hai.

Ye wahi sam altman hain, jinhone chatGPT bnaya hai, wo software, jisne poori duniya mein AI revolution ko janm dia aur jinki wjh se aaj unki company ka valuation 80 billion se jyada hai aur jo aage chal ke duniya ki pahli pvt 1 trillion dollar company bnne wali hai.

par kya aapko pta hai ki itne successful insaan ko unhi ki bnai comapany se dhakke maar kar nikaal diya gaya tha.

Baat hai 18 nov 2023 ki, din tha friday.

Sam altman apni company OpenAi ke naye software ChatGPT ke success se khush hote huye, weekend k liye apne penthouse ja rhe the. Kuch hi mahino phle unhone apni company ke promotion ke liye world tour kia tha, jisme wo kai desho ke top leader jaise Narendra modi, rishi sunak aur bhi kai leader se mil ke aaye the.

Usi din achanak raat 8 bje ek tweet drop hota hai. Jisme baki duniya ke sath unhe bhi ek shocking news pata chalti hai. Unke board memebbers ne unke peeth peeche sajish krke unhe company ke CEO post se nikaal diya tha.

Unse jyada shock ek aur aadmi ko lagta hai - Microsoft ke CEO Satya NAdella. jab OpenAI bahut early stage mein tha, Microsoft ne isme 1 billion dollar ka investment kia tha. Aur wahi OpenAI ke major stakeholder the.

unke paas bas 48 ghante the is crisis ko solve karne ke liye, Monday ko stock market open hone k pahle aagr wo koi solution nhi dhooondhte, to Microsoft ke shares bahut loss mein jaane wale the.

The clock was ticking and billions of dollars were at stake.

Udhar market mein tarah tarah ke news failne lage -

satya ne Sam se baat kari aur situation ko smjhne ki koshish kari. saturday beet gaya.

Kuch sources ke mutabik Sunday tak sam altman ke paas bahut se badi companies ke offer aa chuke the including apple.

Satya ka sirdard badhte ja rha tha.

Ek to agle din monday tha.

aur sham ko India vs aus ka world cup final. Ji haan, satya cricket ke bahut hi bade fan hai, aur poore wc campaign mein india ko cheer kr rhe the.

Baharhaal, satya ko smjh aa gaya tha ki board ke members sam altman ke saamne bilkul bhi important nhi hai.

Sam hi wo bottleneck hain, jinke dum par wo AI industry mein excel krke google aur Apple jaise apne competitors ko peeche chhod sakte hain.

he took the leap of faith aur unhone ye announce kara, ki wo Sam altman ko ek nayi advance AI research company bana kr denge. Ek aadmi ke liye poori multi billion dollar company, scratch se, socho aap ye kitne badi badi baat hai.

Yhi hota hai jab aap kisi ek field mein sp knowledge rakhke waha ka bottleneck ban jate ho. Paisa paani ki taraha bahaya jata hai aapke liye.

Monday ko jab market open hua, microsoft ke shares phle se jyda price par open huye. Market ne satya aur sam dono ke upar bharosa jataya tha.

Udhar OpenAI ke staff - jo ki total 770 log the, unme se 700 logo ne ek petition sign ki, jisme unhone kaha ki agar Sam ko wapas nhi laya gya to wo sab log bhi resign kar denge.

Finally purane board ko hataya gya aur sam altman ne wapas se CEO ke roop mein wapsi kari.

& I think is story se aapko ye baat smjh aa gyi hogi ki..

Be irreplaceable.

as a middle class indian, ameer banne ka jo sabse bada sawal hai, ki aapko job krni chahiye ya business, ya fir online kuch krna chahiye; iska answer mein aapko agli video mein dunga, jo is money series ka 3rd and last video hoga.

Is series ke pahle part mein hmne sp knowledge sahit kai important secrets ki baat ki hai, aapne nhi dekha to turant thumbnai par click krke use dekh lo.

Aur aap sabke liye 2 chote se gifts hain - is video ke core principles ka ek Free poster aur is video ki script.

Neeche diye link se unhein turant Free of cost download kr lein.

Hope you like these.

Thank you.

Visit <https://www.nishantpatel.in/>